

陝西方輿紀要序

陝西據天下之上游制天下之命者也是故以陝西而發難雖微必大雖弱必強雖不能爲天下雄亦必浸淫橫決釀成天下之大禍往者商以六百祀之祚而亡於百里之岐周戰國以八千里之趙魏齊楚韓燕而受命於千里之秦此猶曰非一朝一夕之故也若夫蒲公起自徒步入關而王漢中乃遂收巴蜀定三秦五年而成帝業李唐入長安舉秦涼遂執筆而答鄭夏矣蓋陝西之在天下也猶人之有頭項然患在頭項其勢必至於死而或不死者則必所患之非真患也往者劉曜有關

中而敗亡於石勒李茂貞王行瑜有關中而見役於朱
溫李思齊張思道有關中而明師一臨皆爲臣僕夫劉
曜固非石勒敵也么麼如茂貞輩又豈知有天下之大
畧者哉項羽率諸侯兵而入咸陽也天下大勢已在掌
握中乃不用韓生之說還都彭城譬猶操戈而授人以
柄然猶慮關中之能爲天下患也分王三降王欲以拒
塞沛公夫以三晉之強不足以當一秦而三秦之弱乃
欲以當一漢則羽之計亦左矣劉裕之滅姚秦也知王
鎮惡之才而不用也誠以鎮惡之才而資以關中之地
其勢必足以有爲身爲篡弒之事而授人以霸王之資

裕不若是愚也故攜貳其權隱授沈田子以殺鎮惡之
計鎮惡死而關中束手而歸於赫連矣裕固以爲寧失
之赫連不可以資鎮惡也苻堅之用關中也能亡燕而
不能并晉也宇文邕之用關中也能滅齊吞梁而不能
并陳也隗囂用秦隴及身而敗赫連勃勃用關中再世
而敗張軌據涼傳祚六十餘年趙元昊據夏享國且二
百餘載夫以區區之地而能垂久若此者豈非以天下
之勢恆在西北邊塞阻險受敵一面雖中才亦足以自
保哉隗囂旣不能先收河西又不能早圖三輔事機已
失乃欲倔強自雄宜其不振也赫連勃勃非無縱橫之

才而拓跋方強涼秦列峙僅能拾取秦川無暇越關河
而問苻姚之舊轍矣李唐一入長安卽并仁杲平李軌
而後東向以爭河洛亦懼秦涼之掣其後也諸葛武侯
有言南方已定事在中原夫以關中之地豈不十倍於
巴蜀武侯之賢豈不知得關隴十倍於保巴蜀而必先
定南方者蓋定南方然後可以固巴蜀固巴蜀然後可
以圖關中武侯謹慎有餘跋前疐後之舉斷斷不敢出
者也夫重戰輕防千古同戒太宗之明慮之必早次方
苻秦之亡也河西隴右割裂紛紜慮無不帝制自爲者
而卒不能越河隴尺寸何哉夫亦地醜德齊各有戶牖

之慮連雞之羽勢不能翱翔於雲霄之上耳薛舉之東
下高懸志吞關中也亦未嘗不以李軌爲患唐畏薛舉
之鋒切切焉通好李軌以分薛舉之勢使李軌能與薛
舉戮力一心雖太宗之英武未必遂能得志於涇原也
是故李茂貞王行瑜並峙於邠岐而卒不能拒晉汴之
甲李思齊張思道連兵於鳳慶而卒不能阻河中之師
豈惟勢分力弱不足有爲亦必貌爲比附情寔參差也
夫以一隅之地而彼此稱雄互相觀望此猶三秦降王
之已事有大力者出焉未有不供其漁獵者也嗚呼蒲
淇姚萇之時可以用關中矣而其人非也諸葛武侯之

才足以用關中矣而其時非也張浚之時可以用關中
浚之識亦知關中爲可用而其才非也然吾觀自古以
來爲天下禍者往往起於陝西東漢當承平之際而羌
胡搆亂於西垂故良將勁卒盡在河隴間迨其末也封
豕長蛇憑陵宮闕遂成板蕩之禍馬超韓遂挾羌胡之
士而東以曹操之用兵幾覆於潼關幸而超遂亦兩相
攜貳智計不立卒以解散耳終魏之世關隴有事必舉
國以爭之故以武侯姜維之才智而不獲一逞也晉武
帝旣并天下以關中勢在上游爲作石函之制非至親
不使鎮焉及元康之世亂果始於關中元魏之亂起於

沃野高平諸鎮而盛於蕭寶寅之徒則亦關中爲厲階
矣女真入關中而宋室之中原遂不可復蒙古人關中
而金人之汴蔡遂不可保明初以北方爲慮沿邊四鎮
竭天下之力以供億之及於輓季獷夫悍卒奮臂而起
縱橫蔓衍以致中原鼎沸宗社淪胥此何爲者也嗚呼
當創興之日勢大力強卽有桀黠之徒亦且弭耳俛首
以就我之驅除迨凌遲之際庸夫牧豎忽然思逞初視
爲疥癬之憂而卒有滔天之禍雖時會使然哉亦地勢
形便爲之也然則陝西之爲陝西固天下安危所係也
可不畏哉

讀史方輿紀要卷五十二

崑山顧禹景范輯著
南昌彭瑞芸摺校定

錦里龍萬育燮堂校刊

陝西一

禹貢曰黑水西河惟雍州

按黑水在雍州西北西河在州東此主冀州而言故曰西

河周禮職方正西曰雍州

應劭曰雍壅也四面有山壅塞為固也又為西北之位陽

所不及陰周都豐鎬則雍州為王畿東遷以後乃為秦

地孝公作為咸陽築冀闕徙都之謂之秦川亦曰關中

按潘岳關中記東自函關西至隴關二關之間謂之關

中東西千餘里三輔舊事云西以散關為限東以函谷為界徐廣曰東函谷南武關西散關其在天文東井輿

北蕭關秦地居四關之中亦曰四塞其屬趙同而

鬼則秦分野亦兼趙魏之疆按今榆林以東皆屬魏而

漢中在禹貢為梁州之域於春秋戰國則楚地也始皇

并天下置內史上郡北地隴西暨漢中郡項羽入秦分

其地為雍塞翟三國謂之三秦而漢中則屬於漢秦郡及三

秦詳見首卷漢有天下都長安武帝置十三州以三輔屬司

隸而更置涼州以地處西方其漢中則屬益州後漢因

之建武初嘗以三輔置雍州治京兆旋罷獻帝時復置雍州并涼州屬焉魏分河西為涼

州隴右為秦州而司隸如故蜀漢有漢中置梁州治焉

二漢三國俱詳第二卷晉改司隸為雍州而涼秦梁三州皆如故

及永嘉以後劉石苻姚相繼據之時所置州郡紛紜難理今見第三卷劉

裕滅姚秦而其地旋沒於夏惟漢中之地常為內境以

秦梁二州並治焉後魏置雍州及南秦北秦等州按雍州治

長安北秦州治上邽今見鞏昌府秦州南秦州治沾谷見鞏昌府成縣盡有雍州之地迨

西魏以及宇文周則又南兼漢中欠隋氏雖置司隸刺

史分部巡察而不詳所統餘州皆然自南北朝至隋俱見第四卷唐貞觀

中分天下為十道此為關內隴右道而漢中屬於山南

道開元中又分為京畿關內隴右及山南西道以上詳見第五

卷唐末為李茂貞及朱溫所據而漢中旋屬於王建後

唐同光中悉收復焉應順初漢中又已於孟蜀唐末方鎮及五

代十國俱見第六卷宋初置陝西路而於漢中置陝西路慶歷初

改置鄜延環慶秦鳳涇原四路熙寧中又增置熙河路

既又分置永興路凡六路元豐六年改爲永興秦鳳二

路而峽西亦析爲利州路仍治興元卽今漢中府金人得關中亦

置京兆鄜延慶原熙秦等路後又分熙秦爲鳳翔臨洮二路時漢中仍爲宋境

元置陝西等處行中書省於京兆漢中亦屬焉又置甘肅等

處行中書省於甘州元末李思齊張思道等據其地上

見七卷八卷後皆倣此明初討平之洪武九年置陝西等處承宣

布政使司領府八屬州二十一縣九十五總爲里三千五百九十有

七夏秋二稅大約一百九十而衛所參列其間今仍爲

陝西布政使司

西安府 屬州六 縣三十六

長安縣 附郭 咸寧縣 附郭 咸陽縣

涇陽縣 興平縣 臨潼縣

滑安縣 藍田縣 鄠縣

盩厔縣 高陵縣 富平縣

三原縣 醴泉縣

華州 屬縣二

華陽縣 蒲城縣

商州 屬縣四

商南縣 洛南縣 山陽縣

鎮安縣

同州 屬縣五

朝邑縣

郃陽縣

韓城縣

澄城縣

白水縣

耀州 屬縣一

同官縣

乾州 屬縣二

武功縣

永壽縣

邠州 屬縣三

淳化縣

三水縣

長武縣

鳳翔府 屬州一

縣七

鳳翔縣 附郭 岐山縣 寶雞縣

扶風縣 郿縣 汧陽縣

麟遊縣

隴州

漢中府 屬州二 縣十四

南鄭縣 附郭 褒城縣 城固縣

洋縣 西鄉縣 鳳凰縣

寧羌州 屬縣二

沔縣 略陽縣

興安州 屬縣六

平利縣

石泉縣

洵陽縣

漢陰縣

白河縣

紫陽縣

延安府

屬州三

縣十六

膚施縣

附郭

安塞縣

甘泉縣

安定縣

保安縣

宜川縣

延川縣

延長縣

清澗縣

鄜州 屬縣三

洛川縣

中部縣

宜君縣

綏德州 屬縣一

孤山

留壩

米脂縣

宜縣

葭州 屬縣三

吳堡縣

神木縣

府谷縣

慶陽府

屬州一

縣四

安化縣

附郭

合水縣

環縣

寧州

屬縣一

真寧縣

平涼府

屬州三

縣七

平涼縣

附郭

崇信縣

華亭縣

鎮原縣

涇州

屬縣一

靈臺縣

靜寧州 屬縣二

莊浪縣 隆德縣

固原州 衛所附見

鞏昌府 屬州三 縣十四

隴西縣 附郭 安定縣 會寧縣

通渭縣 漳縣 寧遠縣

伏羌縣 西和縣 成縣

秦州 屬縣三

秦安縣 清水縣 禮縣

階州 屬縣一

文縣

徽州 屬縣一

兩當縣

臨洮府 屬州二 縣三

狄道縣 附郭 渭源縣

蘭州 屬縣一

金縣

河州 河州衛 歸德所 附見

洮州衛

岷州衛 西固城所附見

榆林衛

寧夏衛 靈州興武韋州等所附見

寧夏後衛

寧夏中衛

靖虜衛

陝西行都摺運使司 屬衛七屬所四

甘州衛 附郭

肅州衛

山丹衛

永昌衛

涼州衛

鎮番衛

莊浪衛

三所附見

西寧衛

碾伯所附見

羈糜司衛附見

東瀕河

黃河在榆林鎮東又南經延安府東又西安府之東
北與山西皆瀕河為界

南據漢水

漢水在漢中府城南東流過興安州北入湖廣界陝

西之境實逾漢水而南也

西抵羌戎

肅州西寧洮州岷州諸衛以西皆古羌戎地

北屆朔漠

今榆林寧夏甘肅三鎮之地皆以沙漠為界

其名山則有終南秦嶺附

終南山在西安府南五十里且鳳翔岐山郿縣三縣俱屬

鳳翔府武功盩厔鄠縣長安咸寧藍田之境皆謂之南

山禹貢謂之終南雍州終南惇物詩謂之終南亦謂之南山

秦風終南山何有小雅南山有臺詩傳周之名山曰終及節被南山之類皆指終南也

南左傳終南九州之險也漢東方朔曰南山天下之

阻也南有江淮北有河渭其地從河隴以東商洛以

西厥壤肥饒按漢書東方朔曰南山出王石金銀銅

有稔稻梨栗桑麻竹箭之饒土宜薑芋米多蠅魚貧者得以人給家足無饑寒之憂故豐鎬之間號為土

膏班固曰鄠杜竹林南山檀栢號稱陸海其西都賦

云表以太華終南之山張衡西京賦曰終南太一隆

崛崔嵬按王氏應麟曰終南山之總名太一南山之別號據經傳皆以終南太一為一山西京

賦既並言之則非一山矣又潘岳西征賦曰面終南而背雲陽又云太乙龍窠所謂太一武功縣之太白

山也一統志太一山在終南西二十里悞蓋終南脈起崑崙尾銜嵩岳鍾

靈毓秀宏麗瑰奇作都邑之南屏為雍梁之巨障其

中盤紆迴遠深巖邃谷不可殫究關中有事終南其
 必爭之險也後漢建武二年赤眉大掠長安乃引而
 西自南山轉掠城邑入安定北地三國時漢魏相持
 必在南山褒斜諸谷間晉大興四年終南山崩時劉
 曜竊據長安說者曰此曜亡之徵也咸康三年侯子

光聚衆杜南山按南山在杜縣界中故曰杜南山僭稱帝後趙將石

廣擊斬之地志曰南山大谷凡六六谷或曰子午儻

此六谷也詳見漢中府子午等道出奇步險則南達漢中東通襄鄧

故後秦姚萇拜郝奴爲六谷大都督使備南山之險

云義熙十三年劉裕伐秦使沈田子等入武關恐山

子衆少不敵遣沈林子將兵自華陽循南山趨秦嶺
往助之宋元嘉二十二年魏盧水胡蓋吳作亂於渭
北民皆渡涸犇南山明年魏發兵屯南山諸谷以備
蓋吳竄逸隋大業末李淵入關南山羣盜皆起兵應
之武德七年校獵於鄂之南山遂幸終南廣德初吐
蕃入長安二軍叛卒鄉曲無賴多乘亂爲盜吐蕃去
猶竄伏南山五谷中

五谷見下
元和志

乃設南山五谷防禦

使討之永泰二年京兆尹黎幹自南山引澗水穿漕

渠入長安不就興元初李懷光叛附朱泚車駕自奉

天幸梁州懷光遣將孟保等將精騎趣南山邀車駕

保逗逼不前至整厓而還於是百官從行者皆得達

行在廣明以後長安多故車駕往往入南山趣興元

五代梁開平三年遣楊師厚擊叛將劉知俊至華州

長安已為岐守

按是時劉知俊以同州附李茂貞復取長安請兵於岐

師厚因

以奇兵並南山疾驅而進自長安西門入遂克之

按

安西而三門淮延平門最近南山

宋失中原以南山與金人分界其

後蒙古突入山南而宋與金人之患俱急矣唐十道

志西京南據終南一行以天下山河之象存乎兩戒

而終南分地絡之陰陽

一行唐貞觀時僧山

柳宗元

曰據天之中在都之南

按晉潘岳關中記云終南一名中南言在天下之中居都

也之南西至於褒斜又西至於隴首以臨於戎東至於

商顏按顏師古漢書註商顏者商山之顏譬人之顏額也又東至於太華以距

於關關謂潼關其物產之厚器用之出則璆琳琅玕夏書

載焉紀堂條梅按詩注紀山之廉角也堂山之寬平處條山楸也材宜為車版梅亦材之

者美秦風詠焉元和志南山西接岐州東抵陝號其谷

之大者有五曰子午谷斜谷駱谷藍田谷衡嶺谷也

按衡嶺亦作橫嶺見藍田縣五谷之外又有午心谷見華陰縣其谷皆接華山南通商洛或與子午五谷

為六谷其谷之小者約以百計宋宣和六年種師道致仕居南山豹林谷是其類也南山深遠

自昔常為用兵之地宋敏求曰按敏求宋人撰長安志終南橫

亘關中南而西起秦隴東徹藍田相距且八百里昔

人言山之太者太行而外莫如終南胡三省曰關中

有南山北山自甘泉連延至嶽巖九變為北山自終

南太白連延至商嶺為南山也

按唐時京師每多水患蓋諸山之水暴溢

所致羅洪先曰關中雖稱四塞然南山東西通接商洛

汝鄧漢鳳襄沔山深谷密縈紆盤互無慮數千里內

多巖洞窟穴盜賊往往遁逃其中潛通聲問不啻萌

蘖故易稱豮豕牯牛渙邱解拇稱名取類義宏遠矣

嗚呼羅氏之言豈意為後來流賊之讖哉

按羅氏有廣輿圖傳

於又史記秦嶺天下之大阻也

按通釋秦嶺在商州西八十里一統志云

秦嶺在西安府藍田縣東南恐未可據

西京記云長安正南山名秦嶺

東起商洛西盡汧隴東西八百里嶺根水北流入渭
號爲八百秦川王應麟曰秦嶺北爲秦山南爲漢山
周六百二十里舊記皆云南山深處高而長大者曰

秦嶺然而終南秦嶺本一山矣

按括地志終南山一名南山一名嶺山一名

名楚山一名泰山一名周南山一名地肺山是亦以終南爲秦山也六典云隴右道名山曰秦嶺或以爲今鳳翔府之岍山

秦華 少華山附

秦華山在西安府華州華陰縣南十里卽西嶽也舜
典八月西巡狩至于西嶽禹貢導河至于華陰卽華
山之北矣周禮職方豫州其山鎮曰華山山海經太

華之山削成而四方高五千仞廣十里遠而望之若

華然故曰華山

按白虎通西方華山少陽用事萬物生華也爾雅云西南之美者有華山

之金漢成帝元延二年幸河東陟西嶽而歸後漢初

平四年華山崩裂災異志云漢亡之徵也水經注華

嶽有三峯

按勝覽云華岳三峯芙蓉明星玉女是也

直上數千仞基廣而

峯峻疊秀迄於嶺表有如削成山頂有二泉

東曰太邱泉西

曰蒲池

東西分流掛澗騰虛直瀉山下今其山盤廻峻

挺翼帶河濱控臨關險壯都邑之形勝扼雍豫之襟

喉秦中險塞甲於天下豈不以踐華為城因河為池

山川之雄泰華哀然稱首哉唐武德二年大獵於華

山按唐史是年祀華上元初復較獵於華山曲武原

原在由明年復祀焉天寶九載羣臣請封西嶽不果按是年將封華山命鑿華山路

設壇場既而以六典關內道名山曰泰華考唐元宗

關中早不果曰雄峯峻削齒苜森爽是曰靈岳衆山之長偉哉此

鎮崢嶸中十高標爛日半壁飛雨又題名記自開元

迨後唐之清泰登華岳者凡五百四十有二人其峯巒洞谷參差錯列而峯

之最著者為蓮花諸峯按華嶽志嶽頂中峯曰蓮華

靈足世傳華山初與蒲州首陽山為一山河神巨靈

劈分為兩以通河流掌迹猶存故張衡西京賦云綴

以二華巨靈巖高掌遠躋以流河曲曹植述征賦亦云表神掌於岩谷也唐王涯為之辨曰華嶽首峯

有五崖比壑破巖而列自下遠而望之偶為掌形耳

謂是巨靈之迹不亦誕哉又華山南峯曰落鴈峯其

相近者曰黑龍潭仰天坪西北曰毛女峯東北曰雲

臺峯其與雲臺相近者曰公主峯相傳漢南陽公主

讀史方輿卷五十二 陝西一 十二 文之司

避王莽亂入洞之最著者為碧雲諸洞按華嶽志岳

山得仙處也雲洞下為碧雲溪稍西有王刁洞昔仙人王遙與刁

自然所居也岳頂之東南曰老君洞旁為焦公岩岳

頂之北則為仙人洞水簾洞其近毛谷之最著者為

女峯者道書以為太極總仙洞也

牛心諸谷牛心谷見前終南山五谷注按華岳志碧

谷相傳谷有神馬藏焉漢武求仙時馬自谷中出也

又有文仙谷為仙人賈君所居迤西曰車箱谷又有

霧谷後漢張超居此宋陳搏命弟子鑿張超谷中石

室是也又西曰仙谷一名石羊城俗譌為黃初平叱

石成羊處又西南曰桃谷甕谷竹登華嶽之巔俯視

雲烟皆出其下帝座微茫彷彿可通也按郭緣生述

至山頂升降紆迴凡三十三里有天井青柯坪百丈

崖夾嶺以上至屈嶺為絕頂處道皆奇險而夾嶺兩

箱懸巖數百仞路廣裁三尺又少華山在華州南十里

尺餘世亦謂此為搦嶺也

東去太華八十里按張衡賦綴以二峯勢相連視華

山差小故曰少華其峯之名者曰少華諸峯按華嶽志少華

山正峯曰少華峯峯之東曰獨秀峯亦曰玉女峯其下即敷水峪也

諸峪華嶽志少華峯西有白石峪潭峪水峪皆深廣白石峪之西為鄭南峯華州本春秋時鄭始封

地也志云以後周所移鄭縣而名又西則石隄峪也華山層巖複嶺與終南相

環帶信為天設之險矣

隴坻隴關附

隴坻即隴山亦曰隴坂亦曰隴首在鳳翔府隴州西

北六十里鞏昌府秦州清水縣東五十里山高而長

北連沙漠南帶汧渭關中四塞此為西面之險戰國

策范曄曰秦右隴蜀

按漢初張良亦云關中右隴蜀蓋以隴坂險阻與蜀道並稱也

又西京賦云右有隴坻之隘

漢書元鼎五年自雍踰隴西登崆峒

王莽之篡也命其右關將王福曰沂隴之阻西當戎

狄後漢建武二年赤眉引兵欲西上隴時隗囂據天

水遣將楊廣迎擊破之六年遣耿弇蓋延等七將軍

從隴道伐蜀隗囂懼遂發兵反使王元據隴坻伐木

塞道諸將與囂戰大敗各引兵下隴八年來歙襲取

畧陽

見秦州秦安縣

囂使王元拒隴坻行巡守番須口

見隴州

王孟塞雞頭道

見平涼府開頭山

牛邯軍瓦亭

見秦安縣以數處皆隴

道要口也

囂悉眾圍畧陽不克帝尋部分諸將數道上隴

畧陽圖解永和五年於扶風漢陽築隴道塢二百所

置屯兵以備羌亂既而羌入武都燒隴關隴關即永

初以後羣羌擾亂屢斷隴道窺三輔三秦記天水郡

有大坂曰隴坻其坂九廻不知高幾許欲上者七日

乃得越故論都賦曰置列汧隴靡偃西戎西京賦亦

云隴坻之隘隔閼華戎言其高且險也郭仲產秦州

記隴山東西百八十里登山巔東望秦川四五百里

極目泯然山東人行役升此而顧瞻者莫不悲思俗

曰隴頭流水鳴聲嗚咽遙望秦川肝腸斷絕又云隴

頭流水分離四下念我行役飄然曠野登高遠望涕

零雙陸又張衡四愁詩曰吾所思度汧隴無蠶桑八月

乃麥五月乃凍解說文登隴山東望秦川墟舍桑梓與雲霞一色高處可容百餘家下處容十萬戶上有

懸溜吐於山中匯為澄潭名萬石滌流溢散下皆注

於渭又有小隴山

志云在隴州北王氏曰在清水縣舊志以大隴為隴首小隴為隴坻

胡氏曰小隴山在隴州廢南緜縣西北非也即今州西八十里之關山矣巖障高深不通

軌轍亦曰分水嶺自曹魏以後秦雍多故未常不以

隴坻為要害晉義熙八年姚興分遣諸軍擊楊盛於

仇池興自雍赴之與諸將會於隴口

即隴關之口

後魏正

光五年秦州賊莫折念生等作亂李苗言隴賊猖狂

利於疾戰如今隴東不守汧軍敗散

時元志將兵軍汧

則兩

秦遂強

謂秦州及南秦州也見上沿革時南秦州民張長命等亦據城應賊故云

秦三輔

危弱國之右臂於斯廢矣未幾念生遣其弟天生將

兵卜隴與元志戰於隴口志敗保岐州賊勢遂熾明

年崔延伯破天生於黑水

見整屋縣

追奔至小隴岐亦隴

東皆平會將士稽留採掠天生遂塞隴道由是諸軍

不得進孝昌二年念生以秦州降蕭寶寅使元修義

西進修義停車隴口久不前念生遂復叛隋義寧初

李世民破薛仁杲於扶風追奔至隴坻唐貞觀二十

年車駕逾隴山幸靈州撫定勅勒諸部六典隴右道

各山曰隴坻里道記隴山有新故兩關故關大震關

也 在隴州西七十里舊志云在清水縣東五十里 新關安燹關也

在隴州西四十里

先是武德五年突厥入原州陷大震關

至德初安祿山遣其將高

嵩以勅書縉綵誘河隴將士大震關使郭英又擊斬之

廣德元年吐蕃入大震

關盡陷河西隴右地大歷二年鳳翔帥李晟出大震

關破吐蕃於臨洮大中六年隴州防禦使薛逵奉詔

移築故關上言汧源西境切在故關昔有隄防殊無

制置僻在重岡之上苟務高深今移要會之中實堪

控扼舊絕井泉遠汲河流今臨水挾山當川限谷危

牆深塹克揚營壘之勢乞改為安戎關 一作定戎 從

之由是以大震為故關而安戎為新關天復二年李

茂貞劫駕幸鳳翔朱全忠討之進軍鳳翔城下遣將

孔勅出大散自鳳州西取成州

九域志鳳州西至成州二百七十里

又

北取隴州又西至秦州

九域志成州北至隴州一百五十里

隴州西至秦州亦二

白五十里不克乃自故關引還五代梁貞明二年蜀將王

宗播自秦州出故關攻隴州尋引歸六年蜀將王宗

儔等伐岐出故關壁於咸宜入良原

咸宜見隴州良原見涇州靈臺

縣復攻隴州不克漢乾祐初王景崇以鳳翔叛附蜀

蜀將韓保貞赴援出新關軍於隴州宋建炎四年張

浚敗績於富平金人遂踰隴關取秦鞏諸州紹興十

年楊政自鞏州入隴關拔隴州取岐州諸屯明初徐

達克隴州逾隴關秦州鞏昌遂下紀勝云大震關西

漢時置地道記所稱漢置隴關西當戎翟者也

世傳漢武

帝登隴經此遇雷震而名俗歌曰震關遙望秦川如

帶隴關之名大震舊矣宇文周天和中避諱改關曰

大寧亦曰隴山關隋唐復為夫震關唐薛遠改築新關於隴山上西去

故關三十里控扼要道與故關並為戍守處秦雍喉

龍門

嗾隴關當之矣

今大震關曰故關安彛關曰新關有故關大寨巡司兩關俱屬焉

龍門山在西安府同州韓城縣東北八十里山西河

津縣西北三十里夾河為險古稱津要禹貢浮於龍

門西河又曰導河積石至于龍門亦謂之孟門戰國

策吳起曰殷紂之國左孟門蓋指龍門也

今山西吉州有孟門

山志以為卽龍門之上口

竹書晉昭公元年河水赤於龍門大事

記周威烈三十三年晉河岸傾壅龍門至於底存呂

氏春秋龍門未闢呂梁未鑿河出孟門之上漢紀成

帝元延二年遊龍門今懸巖峻壁夾河並峙河經其

中驚濤激浪震動巖谷相傳大禹所鑿也

史記自叙遷生於龍

門魏上地記龍門山大禹所鑿通孟津河口廣八十里

岩深鑄迹尙存三都記龍門外懸泉而兩旁有山水陸不通魚鼈莫上故江河大魚有暴腮龍門

之固水經注河水出龍門以兩山夾河而名 晉太

元三十一年後秦姚興攻河東故西燕所署河東太守柳恭等臨河拒守興兵不得濟汾陰薛彊引秦兵

白龍門濟遂入蒲坂恭等皆降後魏太和二十一年

魏主宏自代北南還至龍門謂今河津縣遣使祀大禹尋

置龍門鎮於此舊志龍門鎮西對夏陽之龍門山蓋置於河東岸也孝昌二年

以薛修義為龍門鎮將永熙末高歡破潼關屯華陰

龍門都督薛崇禮以城降歡宇文周太和五年齊將

斛律光侵汾北圍定陽今山西吉州築十三城拓地五百

里宇文憲督諸將自龍門渡河光退保華谷華谷城見山西

稷山憲攻拔其新築五城隋大業十三年李淵起義

師至龍門亦謂河津縣任瓌請從梁山渡河徑指韓城淵

從之括地志龍門之南即梁山故龍門亦兼梁山之稱時唐兵蓋自龍門渡也梁山今亦見韓城縣

唐武德二年李世民討劉武周自龍門乘冰堅渡河

屯柏壁

見山西絳州

七年治中雲得臣自龍門引河漑田

六千餘頃通典韓城東北有龍門城極險峻又有龍門關蓋周齊時攻守處其地兩峯壁立大河經此扼束而出南北蓋百餘里關之下卽禹門渡矣

橋山

橋山卽子午山亦曰子午嶺在慶陽府合水縣東五

十里山綿亘深遠其在延安府保合縣東六十里者

亦曰艾蒿嶺以嶺多艾蒿

又葭州南六十里有艾蒿嶺亦爲橋山東麓

其在鄜州中部縣治北者則曰橋山以沮水穿山而

過山若然也相傳黃帝葬衣冠於此史記黃帝葬

橋山漢元封初北巡朔方還祭黃帝冢於橋山釋兵

須如須一作涼地志即此其在今榆林衛西南境者

則曰橋門後漢靈帝初段熲討東羌先零等破之於

高平逢義山見平涼府鎮原縣追羌出橋門水經注橋山有

長城門故謂之橋門一名青嶺門後唐長興四年李

彝超以夏州拒命遣軍討之彝超使其兄阿羅出守

青嶺門以拒官軍薛居正曰自慶州而東北過奢延

澤至夏州青嶺門即古長城門也寰宇記橋山南連

耀州北抵鹽州東接延州綿亘八百餘里蓋邪寧環

慶延綏鄜坊諸郡邑皆在橋山之麓宋人所稱橫山之險亦卽橋山北垂矣又泃水出橋山合於洛水東西羣川皆會流於山下俗亦謂其地爲川東川西

嶓冢

嶓冢山在漢中府寧羌州東北四十二里禹貢嶓冢導漾是也山海經以爲鮒嶠山水經沔沔水出武都

泃縣東狼谷中

泃縣今畧陽縣狼谷蓋卽嶓冢之谷

狼谷卽嶓冢之異

名矣薛氏曰隴東之山皆嶓冢也唐六典山南道名

山曰嶓冢

又秦州西南七十里有嶓冢山則西漢水所出

西傾

西傾山在洮州衛西南二百五十里禹貢西傾因桓

是來寰宇記桓水自吐谷渾界流入洮州境是也一名嶺臺山又為疆

山亦曰西疆山或謂之馬寒山劉宋景平中吐谷渾

王阿豺升西疆山觀墊江源即此山也沙州記洮水

與墊江水俱出嶺臺山嶺與通山南即墊江源山東則

洮水源也墊江山水即階文之白水郭景純曰自西傾

江水蓋即禹貢之桓水隋大業三年裴矩撰西域圖記從西傾

以去縱橫所亘將二萬里蓋以西傾為內外之界也

唐六典隴右道名山曰西傾今臨洮府西南百五十

縣西北八十里亦有西傾山皆非禹貢之西傾也

積石

積石山在西寧衛西南百七十里禹貢導河曰積石是也水經注河逕積石而爲中國河成公子安大河賦曰潛崑崙之峻極出積石之嗟峩俗謂之大積石山又河州衛西北七十里有積石山兩山如削黃河中流西臨蕃界俗謂之小積石山一名唐後漢延禧三年西羌餘衆復與燒何大豪寇張掖校尉段熲擊之羌引退熲追之且鬪且行積四十餘日遂至積石山出塞二千餘里蓋自張掖而南轉戰至積石道路紆回遂至於此斬燒何大帥降其餘衆而還隋大業三年平吐谷渾命劉權

成河湟郡積石鎮大開屯田捍禦吐谷渾以通西域
 之路唐貞觀八年遣李靖等攻吐谷渾靖督諸軍經
 積石山河源至且末且末見甘肅窮其西境蓋積石
 控據河津實為西面之險唐六曲積石隴右道之名
 山也

賀蘭

賀蘭山在寧夏衛西六十里其山盤踞數百里上多
 青白草遙望如駿馬北人呼駿馬為賀蘭也山多果
 實又產鉛丹崖翠壁巍然隆峻唐建中二年吐蕃請
 靈州之西以賀蘭山為界許之五代唐長興三年夏

州帥康福奏党項人寇擊敗之追至賀蘭山宋景祐
以後趙元昊據有其地建宮於賀蘭山東今宮垣遺
址尙存慶歷四年契丹主宗真親帥騎兵十萬濟河
入夏遣將蕭惠與元昊戰於賀蘭山北敗之又皇祐
初契丹伐夏獲夏王諒祚之母於賀蘭山以歸今賀
蘭屹峙寧夏西北實爲屏障正統以後北人入套中
西犯甘涼多取道於山後甚且闌入山南視爲通途
宏治二年督臣王越襲擊於賀蘭山後敗之嘉靖三
年亦不剌駐牧賀蘭山後出沒擾邊議者以打磴日
赤水墩諸處可以梁截若設瞭望於山外而於山南

絡繹布置防其衝突庶寧夏完固而河西之患亦寡矣

祁連

祁連山在甘州衛西南百里山甚高廣本名天山匈奴呼天爲祁連也漢元狩元年霍去病出隴西擊匈奴至祁連斬首三萬二百級西河舊事祁連山在張掖酒泉二郡界產松柏五木美水茂草山中冬溫夏冷宜牧放牛羊充肥乳酪美好故匈奴歌曰奪我祁連山使我六畜不蕃息是也今自張掖以西其大山多以祁連名

其大川則有大河

大河自西域入西寧衛及河州之境遶蘭州而北經靖遠寧夏及榆林之境乃折而南出龍門抵華陰復折而東周匝三垂皆大河也禹貢曰浮于積石至于龍門西河會于渭汭又曰導河積石至于龍門南至于華陰禹迹至今未改矣又龍門以南河山之會秦晉之郊也春秋時其地屬晉故其力足以拒秦晉僖公九年秦穆公援立夷吾夷吾請割晉之河西八城與秦

左傳作賂秦伯以河外列城五此從秦紀

背約不與十五年戰於韓

獲晉君以歸夷吾獻河西地既而晉復取之戰國初

魏使吳起守西河秦兵不敢東向武侯嘗浮西河而

下所謂美哉山河之固也方是時魏築長城自鄭

濱洛以北鄭即今華州有上郡其後秦數出兵攻魏魏曰

以削秦惠王六年魏始納陰晉即今華陰縣八年魏納河

西地孔氏曰同丹二州之地也十年魏納上郡十五

縣今延安府宜川縣而河西之地盡入於秦戰國策摎雷謂韓

王魏兩用犀首張儀而西河之外亡是也呂氏曰秦孝公用商

鞅取河西地其盡得河西則犀首張儀之力也呂氏春秋吳起去西河而泣

曰君誠知我而使君畢能秦必可亡而西河可以王

今君聽讒人之議而不知我西河之為秦也不久矣

吳起果去魏入荆而西河畢入秦魏日以削秦日益
大秦紀穆公時常得河西地而晉復取之故孝公元
年下令曰三晉攻奪我河西地於是出兵東圍陝城
十年東地渡洛

此卽謂北之洛川所謂自鄭濱洛者也

賈生過秦所云

商君佐之拱手而取西河之外者也自秦晉以後爭

於關河之交者其盛衰強弱無不以是爲判又大河

在關中饋運所資也春秋僖十三年秦輸粟於晉自

雍及絳相繼命之曰汎舟之役孔穎達曰秦都雍雍

臨渭晉都絳絳臨汾繇渭入河又繇河以泝汾也漢

歲漕關東粟以給中都官多至六百萬石大率取於

關東諸郡從河入渭隋唐都長安皆沂河為運而河

有三門底柱之險見河南名水流湍悍輸輓為勞隋

開皇三年以長安倉廩尙虛詔西自蒲陝東至衛汴

水次十三州募丁運米十三州華陝穀洛管汴於衛

州置黎陽倉陝州置常平倉華州置廣通倉轉相灌

輸漕關東及汾晉之粟以給長安唐大歷中劉晏為

轉運使以江汴河渭水力不同各隨便宜緣水置倉

轉相受給江船不入汴汴船不入河河船不入渭江

船之運積河陰今河南河船之運積渭口渭船之運

入太倉歲輸粟百餘萬無升斗溺者宋以陝西用兵

歐陽修謂宜按唐裴耀卿之迹不憚十餘里陸運之

勞

裴耀卿置倉三門東西亦見河南各山底柱

則河漕通而物可致且紓

陝西之困明天順中延綏多故楊鼎請循河通餉且

議摘漕糧數千石赴陝

謂河南陝州

就令教習山陝河南

之人待舟楫通後乃許回運且可順攜解鹽數十萬

以充淮課則國利大有益鄭曉曰河自蒲州北至龍

門兩岸平廣可渡者百餘里此誠關中之襟要而華

陰渭口又運道之喉嗑也今詳見川瀆異同

漢水

西漢水附見

漢水有二一曰西漢水源出鞏昌府秦州西南九十

里嶓冢山西南流經西和縣北又南至成縣西接階
州東北境復折而東南經成縣南流入畧陽縣西謂
之犀牛江又南流經寧羌州東而合於嘉陵江此卽
嘉陵江之上流非禹貢所稱漢水也嘉陵江見四川大川其自
寧羌州嶓冢山東流經沔縣及褒城縣南又東南經
漢中府南又東經成固縣及洋縣之南西鄉縣之北
又東經石泉縣南乃折而南經漢陰縣紫陽縣之西
復折而東出興安州之北又東經洵陽縣南白河縣
北而入湖廣鄖陽府界者此卽禹貢所云嶓冢導漾
東流爲漢之漢水也俗亦謂之東漢水詳見川瀆異

同

渭水

渭水出臨洮府渭源縣西二十五里之南谷山流經

鳥鼠山下

在渭源縣西二十里

過縣北東流經鞏昌府北及通

渭縣寧遠縣伏羌縣之北又流經秦安縣南秦州之

北至州東南清水縣西又東南流經山谷中入鳳翔

府隴州南界又經寶雞縣南而汧水自北入焉

汧水出隴

州汧山歷汧陽縣至寶雞縣東三十里入於渭

又東經岐山縣及扶風縣南

又東經郿縣北而斜水自南入焉又東流入西安府

乾州武功縣南又東經盩厔縣北興平縣南又東經

鄠縣北咸陽縣南而灃鎬二水自南入焉詳見西又

東過西安府城北而霸澆二水亦自南入焉亦詳見西安府

又東歷臨潼縣北高陵縣南而涇水自北入焉又東

歷渭南縣北及華州之北又東歷同州朝邑縣南而

漆沮二水亦自北入焉又東至華陰縣北而入於河

禹貢導渭自鳥鼠同穴東會於灃又東會於涇又東

過漆沮入于河漢志渭水出鳥鼠同穴山東至船司

空見華陰縣入河過郡四謂天水扶風行千八百七十里

漢漕渠所經也元光六年鄭當時言異時關東漕粟

從渭上度六月罷而渭水道九百餘里時有難處引

渭穿渠起長安旁南山下至河三百餘里徑易漕度
可合三月罷渠下民田萬餘頃又可得漑此損漕
省卒而益肥關中之地得穀上以爲然合水工徐伯
穿漕渠渠成水大便利民得以漑淮南子渭水多力
宜黍杜篤論都賦淇渭之流徑入於河大船萬石轉
漕相過是也建安十六年曹操擊馬超韓遂自蒲阪
渡西河循河爲甬道而南超等自潼關退拒渭口操
多設疑兵潛以舟載兵入渭爲浮橋夜分兵結營於
渭南旣而進軍悉渡渭與超等戰大破之晉義熙十
三年劉裕伐姚秦王鎮惡等至潼關請帥水軍自河

入渭徑趣長安後魏太和二十一年自長安還洛陽
 汎渭入河隋開皇元年詔郭衍開漕渠引渭水經大
 興城北東至潼關漕運四百餘里關中賴之名富人
 渠四年又以渭水多沙深淺不常漕者苦之詔宇文
 愷鑿渠引渭自大興城東至潼關三百餘里名廣通
 渠漕運通利唐天寶三載韋堅為運使規漢隋舊渠
 皆起關門西抵長安通山東租賦乃古咸陽壅渭為
 極絕灞滻竝渭而東注永豐倉下見華陰縣即渭水入河處復與
 渭合五行志元和八年渭水漲絕齊太和元年歲旱河涸輓漕者措
 沙而進米多耗咸陽四十八里有墘成堰秦漢故漕

渠也咸陽令韓遼請疏之東抵潼關二百里可以罷
車輓之勞從之天復四年朱全忠劫遷車駕於洛陽
毀長安宮室百司及民間廬舍取其材浮渭沿河而
下長安自此邱墟而漕渠之利亦廢不復講王氏庶
麟曰渭川自大散關以北達於岐雍夾渭南北岸沃
野千里謂之秦川關中有事沿渭上下可度者不一
處戰守之宜所在皆急此誠都城之襟帶畿輔之塹
防也

涇水

泗水附

涇水出平涼府西南四十里并頭山之涇谷

淮南于涇水出

薄洛之山華戎對境圖涇水上接蔚茹水南流至并頭山乃折而東東流經府城北又

經涇州北又東歷邠州長武縣北汭水入焉汭水源

出鳳翔府隴州西四十里弦蒲藪東北流入平涼府

華亭縣南又東經崇信縣北至涇州城北又東南過

長武縣北而東流合於涇水涇汭同流過邠州北又

東南流經淳化縣西南又南經永壽縣東又南歷谷

口見醴泉縣至醴泉縣東又東南流過咸陽縣東北涇陽

縣南至高陵縣西南二十里而合渭水禹貢所謂涇

屬渭汭者是也周禮職方其川涇沔詩公劉芮鞠之

汭芮汭同鞞水外也左傳成十三年晉侯以諸侯之師及秦

師戰於麻隧在涇陽縣西南秦師敗績師遂濟涇及侯麗而

還劉伯莊云侯麗在涇陽縣境襄十四年晉帥諸侯之師伐秦濟

涇而次秦人毒師上流師人多死樂史曰濟處即今涇陽縣之離城渡

史記秦桓公二十六年晉率諸侯伐秦秦軍敗走追

至涇而還景公十八年晉悼公敗秦軍追度涇至棧

林而還棧林或曰即咸林今華州也又關中漑田之利莫如涇水

漢志涇水出并頭山東南至陽陵入渭陽陵見高陵縣過都

三安定扶風馮翊也行千六十里秦始皇初韓聞秦好興事

欲罷讀疲之母令東伐乃使水工鄭國間說秦令鑿涇

水自中出見涇陽縣西抵瓠口為渠瓠口索隱曰即北谷口見醴泉縣竝北

山東注洛北山即九變三百餘里欲以溉田中作而

覺秦欲殺鄭國國曰始臣為間然渠成亦秦之利也

秦以為然卒使就渠渠就用注填闕之水溉烏鹵之

地四萬餘頃收皆畝一鍾六斛四於是關中為沃野

無凶年秦以富強卒併諸侯因命曰鄭國渠漢元鼎

六年左內史倪寬請穿六輔渠以益溉鄭國旁高卬

仰通之臣太始二年趙中大夫白公復奏穿渠引涇水

首起谷口尾入櫟陽見臨潼縣注渭中袤二百里溉田四

千五百餘頃因名曰白渠顏師古曰六輔渠在鄭渠

下流之南民得其饒歌之曰田於何所池陽谷口鄭國在

前白渠起後舉甬爲雲決渠爲雨涇水一石其泥數
斗且漑且糞長吾禾黍衣食京師億萬之口言此兩
渠饒也後漢遷雒而鄭白兩渠漸廢晉建興四年劉
聰使劉曜寇長安曜陷馮翊轉掠上郡北地進至涇

陽謂涇水北渭北諸城悉潰遂逼長安義熙十三年劉裕

伐秦王鎮惡自河入渭秦王浚遣其將姚疆等合兵
屯涇上以拒之爲鎮惡所敗其時涇水左右皆戰地
也宇文周以後渠堰之利復起唐永徽六年太尉長
孫無忌言曰渠水帶泥淤灌田益肥美又梁水發源
本高向下支分極衆若使流至同州則水饒足比爲

碾磴用水洩渠水隨入渭加以壅遏耗竭所以失利
詔盡毀水上碾磴以利民田天寶以後涇渭之間屢
遭寇亂廣德二年回紇吐蕃逼奉天還攻涇州不克
遂涉涇而遁又是時勢豪之家多引涇水營私利民
田益困大歷十三年勅毀白渠支流碾磴以溉田杜
佑曰秦漢時鄭渠溉田四萬頃白渠溉田四千五百
頃唐永徽中兩渠灌浸不過萬頃大歷中減至六千
頃畝腴一斛歲少四五百斛復兩渠之饒誘農夫
趣耕河隴可復也豈徒自守而已哉元和志太白渠
在涇陽縣東北十里中白渠首受太白渠東流入高

陵縣界南白渠首受中白渠東南流亦入高陵縣界
劉禹錫曰涇水東行注白渠醜而爲三以沃閼中白
渠之利不廢閼中可無槌壻憂也宋史淳化二年涇
陽民杜思淵言涇河內舊有石翼以堰水入白渠溉
雍耀田歲收三萬斛其後多歷年所石翼壞三白渠
水少溉田不足民頗艱食乾德中節度判官施繼業
率民用竹木爲堰壅水入渠緣渠之民頗獲其利然
每遇暑雨水驟堰輒壞至秋復以民力葺治役煩而
堰終不固乞依舊修壘石翼爲暫勞从逸計詔從之
尋復中止至道初度支判官梁鼎陳堯叟言鄭白二

渠舊史溉田以萬計今所存不及二千頃鄭渠難興
工請修三白渠舊迹詔皇甫選何亮相度選等言鄭
渠並仲山而東鑿斷岡阜首尾三百餘里連亘山足
岸壁頽壞堙廢已久度其制置之始涇河平淺直入
渠口暨年代寢遠涇河陡深水勢漸下與渠口相懸
水不能至峻巖之處渠岸廢久實難致力三白渠溉
涇陽櫟陽高陵雲陽三原富平六縣田三千八百五
十餘頃宜增築堤堰以固護之舊設斗門一百七十
有六以節水宜悉繕治渠口舊有六石門謂之洪門亦曰洪口
堰今亦圯若復議興置則其功甚大且欲就近度岸

勢別開渠口以通水道合渠官行視䟽濬又涇河中
舊有石堰修廣皆百步捍水雄壯謂之將軍堰廢壞
已久杜思淵常請興修而不克仍止造木堰涉夏水
潦堰輒壞欲自今溉田畢卽命水工拆堰木填岸側
充秋季修堰之用詔行之於是自仲山南移治涇陽

未幾復敗景德三年博士尙賓經度鄭白渠賓言鄭

渠久廢不可復今自介公廟在涇陽縣北回白渠淇口直

東南合舊渠以溉涇河灌富平櫟陽高陵等縣經久

可以不竭工畢民果獲利景祐三年漕臣王沿言三

白渠溉田數萬頃今纔及三千餘頃宜以時修治又

鄭白渠皆上源高處爲堰沿渠立斗門多者至四十餘所以分水勢其下別開小渠分以溉田其作堰之法用石錮以鐵積之於中流擁爲雙派南流者仍爲涇水東流者醜爲二渠故雖駭浪不能壞其防詔從其言修三白渠熙寧五年詔三白渠爲利甚大又有舊迹可極力修治是年涇陽令侯可議鑿小鄭渠引涇水高與古鄭渠等又都水丞周良孺言自石門北開二丈四尺堰涇水入新渠可溉田二萬餘頃開至臨涇涇陽縣西三十里就高入白渠則水行二十五里利益廣闊至三限口五十餘里接雲陽可溉田三

萬餘頃詔如其議自石門至三限合白渠興修既而

復罷六年復詔修舉大觀四年豐利渠成

見涇陽縣

疏涇

水入渠下與白渠會溉涇陽醴泉高陵櫟陽三原富

平雲陽七邑之田總二萬五千九十有三頃元史宋

熙寧中修白渠故蹟自仲山旁開鑿石渠從高瀉水

名豐利渠大統八年涇水漲毀堰塞渠復疏導之至

大初御史王琚請於豐利渠上更開石渠從之至止

三年以新渠堰壞導流益艱乃復治舊渠口堰成凡

溉農田四萬五千餘頃明洪武中耿炳文守西安修

築涇陽洪渠諸堰以溉民田繇是軍需無缺永樂以

後屢經修治成化中項忠余子俊阮勤等並鑿石通

水引涇入渠謂之廣惠渠白渠之利得以不廢水分

三限

舊志自仲山下截涇河築洪堰引入白渠下至涇陽縣北白公斗門分為三限宋元以來舊迹

也

上 limitation 入雲陽三原櫟陽

亦曰北限

中 limitation 入三原高陵櫟

陽南 limitation 入涇陽皆立斗門以均水凡一百三十五處

志云三限開在涇陽縣北五里北曰大白中曰中白

南曰南白大白之下為邢堰堰之上渠分為二北曰

務高渠南曰平臯渠中白渠之下二十里為彭城開

渠分為四北曰中白渠南曰中南渠又南曰高望渠

又南曰禍南渠中南渠之下又北分者曰折陂渠南

分者曰昌連渠獨南白渠無分其五縣分水以三限

及彭城為

要地云

說者謂秦漢時涇河平淺石溝澮猶有存

者故引河作集直易易耳年久涇河益深水勢與渠

口相懸必益就上流然後能引水而疏鑿非故渠且
多石故其用力尤難劉麟有言北隨舊址以開渠南
高涇渭之岸東北柱入河之口如李冰壅江作壩法
卽高陵櫟陽以北舄鹵變爲沃壤矣

洛水

洛水源出慶陽府合水縣北二十里白於山

漢志云洛水出

北地歸德縣蠻彝中又匈奴傳注洛水出上郡雕陰秦胃山一云周時有洛國居此又西羌傳洛川有天荔之戎歸德廢城見慶陽府雕陰見延安府甘泉縣東北流經廢洛源縣

見慶陽府

又東經延安府保安縣西南又南經安塞縣甘泉縣

西歷鄜州城東又南經洛川縣西南中部縣東而沮

水入焉沮水自中部縣子午嶺東南流而入于洛水也唐五行志太和四年鄜坊水漂三百餘家

即洛於是洛水亦兼沮水之稱又南流經宜君縣東

而入西安府耀州境過州西又南合於漆水漆水自

界流經耀州三原而合洛水歷三原縣東北富平縣西北及白水

縣東又東南流經澄城縣西南至同州西唐五行志開元十五

年洛水溢入鄜城平地丈餘壞同州城南及馮翊縣漂居民一千餘家鄜城見洛川縣又東南

流至朝邑縣南而入渭水禹貢漆沮既從杜佑曰洛

三水同周禮職方雍州浸曰渭洛周紀西伯獻洛西

之地於紂即此洛水也於春秋時與涇渭並為三川

國語幽王三年西周三川皆震左傳昭二十二年萇

宏曰周之亡也三川震

謂西周韋昭以涇渭洛為三川杜預曰涇渭洛也東魏楊

休之對高歡曰河洛伊為三川涇渭洛亦為三川

漢劉向云昔周岐山崩三

川竭而幽土亡

史記六國表顯王三年秦敗韓魏之師於洛陰

又洛河在關

中亦灌溉所有事也史記武帝時莊熊羆言臨晉民

願穿洛以溉重泉以東萬餘頃故鹵地

重泉見蒲城縣誠得

水可合畝十石於是穿渠自徵引洛水至商顏下

卽徵

今澄城縣商顏杜佑曰卽商原也

岸善崩乃鑿井深者四十餘丈狂

往為井井下相通行水水賴以絕商顏東至山嶺十

餘里間井渠之生山此始穿得渠龍骨故名曰龍首

渠

拓地志伏龍寺在同州馮翊縣西北四十里故老云漢穿渠得龍骨因立祠焉是也

作之十

餘歲渠頗通猶未得饒後遂廢後周保定二年亦於同州開龍首渠以廣灌溉云

洮水

洮河出洮州衙西傾山見經衛南東北流經岷州衙

北又折而北入臨洮府西南境盤東山中千數百里

始經府城南又西北入蘭州境合湟水注於黃河沙

州記洮水出漲臺山漲臺即西傾也故洮水亦兼漲

川之名以其西接黃沙謂之沙漲段國云黃沙在澆河郡西南一百七

十里其沙南北百二十里東西七十里西極大陽川周

回數百里都不生草木蕩然黃沙望之若人委乾糲

於地其東則爲洮漲自洮漲南北三百里中地草徧

是龍鬚而無樵採水經注洮水與蜀白水俱出西傾

山見名山洮水東北流經吐谷渾中又東北經臨洮

安故狄道又北至枹罕而入於河諸縣皆在洮東洮

西悉羌人所居也蜀漢延熙十年姜維與魏將郭淮

夏侯霸戰於洮西匈奴白虎文率部落降維十八年

姜維自枹罕趣狄道魏將王經前軍逆戰於故關關在

洮水西蓋不利經度洮水與維戰於洮西大敗爰興

初魏鄧艾遣王願等攻姜維於沓中見洮州衛維聞鍾會

已入漢中引還魏將楊欣自甘松亦見洮州衛追躡維於

濕川口大戰維敗走晉咸和二年涼將韓璞與趙將
劉允爽洮相持七十餘日爲允所敗胡氏曰濕川口
在濕臺山東南卽洮水口也前涼張駿於此置濕川
郡後乞伏國仁亦置焉又吐谷渾爲乞伏乾歸所敗
其王樹洛干師衆奔莫何川亦見洮州衛沙濕諸戎悉附
之義熙十二年乞伏熾磐攻秦洮陽公彭利和於濕
川利和奔仇池熾磐因置益州鎮濕川其地亦謂之
南濕舊皆吐谷渾地後魏後周及隋唐盛時皆斥逐
吐谷渾郡縣其地宋時爲羌人所據元祐二年羌酋
鬼章城洮州以居熙河總管姚兪仲誼討之兵分兩

路並洮水而進兜部洮西擣講朱城見河州遣人走開

道焚河橋絕西援誼部洮東使岷州蕃將包順為前

鋒繇哥龍谷見洮州宵濟進至洮州壁青藏峽同大敗

鬼章兵復洮州洮河者亦隴右西南之巨防矣元朱

曰洮河出羊撒嶺北東北流過臨洮府凡八百餘里與黃河合羊撒嶺或曰西傾山之支嶺也

西海

西海在西寧衛西三百餘里闕駟曰西海東去西平郡二百五十里亦

曰儋海鄜道元曰古西儋之地也亦曰青海亦曰卑禾羌海闕駟曰金

城臨羌縣西有卑禾羌海亦曰鮮水海亦曰允谷鹽池西海則其

總名也海方數百里漢元鼎四年先零羌與匈奴通

攻令居

見西寧衛

圖枹罕遣將李息徐自為擊平之始置

護羌校尉羌乃去湟中依西海鹽池神爵初西羌叛

酒泉太守辛武賢請擊罕开在鮮水上者又趙充國

請治湟陁以西道橋七十所令可至鮮水左右元始

四年王莽誘塞外羌獻鮮水海允谷鹽池置西海郡

後漢永元中護羌校尉周鮪等擊滅叛羌西海及大

小榆谷

見西寧衛

無復羌寇隃麋相曹鳳言自建武以來

諸羌犯法者常從燒當種起所以然者以其居大小

榆谷土地肥美有西海魚鹽之利阻大河以為固故

疆大常雄諸種今者衰困亡逃宜及此時建復西海

郡縣規固二榆廣治屯田隔塞其交關之路又植穀
富邊省委輸之役國家可以無西方之憂從之乃繕
修故西海郡晉隆安四年後涼楊軌叛起兵攻姑臧
兵敗屯廉川降於禿髮烏孤軌尋爲羌梁饑所敗西
奔僂海襲乙弗鮮卑而據其地義熙九年沮渠蒙遜

遣兵襲破卑和烏啼二部

卑和卽
卑和也

二部蓋在西海旁

十三年蒙遜復遣將襲烏啼及卑和部皆破降之西

魏初涼州刺史史寧與突厥分道襲吐谷渾還會於

青海隋開皇初遣元諧等襲吐谷渾敗之於青海隋

書青海在吐谷渾中周回千餘里海中有小山每冬

冰合以良牝馬置此山至來春牧之牝馬皆孕生駒
號爲龍種青海西十五里吐谷渾伏俟城在焉隋伐
吐谷渾得其地以俗傳置牝馬於小山上得龍種因
置馬牧縱牝馬二千匹於川谷以求龍種無效而止
唐貞觀八年段志寧出西海道破吐谷渾追奔八百
餘里去青海三十里旣又使李靖出西海道節度諸
軍盡平其地十二年吐蕃擊破吐谷渾吐谷渾王諾
曷鉢遁於青海北龍朔二年吐蕃大破吐谷渾屯於
青海咸亨二年薛仁貴等擊吐蕃敗於大非川青海
遂沒於吐蕃儀鳳三年洮河總管李徽元擊吐蕃敗

於青海之上永隆元年吐蕃贊婆寇良非川河源軍
副使黑齒常之敗之又追破之於青海二年贊婆尙
牧於青海常之復掩破之武后萬歲通天初吐蕃請
罷安西四鎮戍兵并求分十姓突厥之地郭元振議
以青海吐谷渾爲國家要地使吐蕃歸之以易四鎮

十姓不果開元十四年吐蕃悉諾邏寇大斗拔谷

見涼

州衛遂破甘州焚掠而去涼州都督王君奭度其兵疲

引兵躡其後吐蕃自積石軍西歸頓大非川君奭追
之及青海西乘冰而渡襲其輜重而還三十五年河

西節度副大使崔希逸敗吐蕃於青海西天寶初隴

石節度使皇甫惟明破吐蕃大嶺軍又敗之於青海
五載河西隴右節度使王忠嗣與吐蕃戰於青海積
石皆大破之七載哥舒翰爲隴右節度使築神威軍
於青海上吐蕃來攻翰擊破之又築城於龍駒島時
有曰龍見因號應龍城吐蕃不敢近青海明年翰遣
謫卒二千戍龍駒島冬冰合吐蕃大集成者盡沒於
是以後中原多故青海不復爲王土明正統以後逋
寇竄集於青海論者常引爲西顧之憂云

其重險則有潼關

潼關在今西安府華州華陰縣東四十里東至河南

閩鄉縣六十里古桃林塞也左傳文十三年晉侯使

詹嘉處瑕瑕見山西守桃林之塞杜氏曰桃林在宏

農華陰縣東潼關是矣白函谷至斯高出雲表幽谷

祕邃深林茂木白日成皆又名雲潼關左曰衝關河

水自龍門衝激至華山東也王氏曰自靈寶以西今

出靈寶縣潼關以東皆曰桃林自嶠山以西嶠山見河南

潼津以南通稱函谷范雎謂左關坂即嶠函也蘇秦

曰秦東有嶠函之固賈生過秦亦曰秦孝公據嶠函

之固者也史記周慎靚王三年楚趙魏韓燕同伐秦

攻函谷關秦出兵逐之五國之師皆敗走秦始皇六

年楚趙魏韓衛合從伐秦取壽陵

胡氏曰壽陵在新安宜陽間

至

函谷敗還林氏曰春秋時崤函晉有也故能以制秦

秦得崤函而六國之亡始此矣當蘇秦之約從也山

東六國共攻秦至函谷關秦出兵擊六國六國皆引

而歸豈非天險不可犯耶沛公伐秦不從函谷入乃

引而還襲攻武關破之誠畏其險也及沛公軍霸上

而羽引軍而西或說沛公亟守函谷關既而項羽破

守關兵至鴻門

本紀時項羽至關不得入使黥布先從間道破關下軍遂得入至咸陽鴻

門鴻門今

見臨潼縣

此非函關不足恃也沛公方弱陰欲貳於

羽而外不能與抗雖守亦不固也張良勸都關中則

云關中左峭函淮南子九塞峻坂其一也五行志亦云函谷關拒山東之險地利烏可忽歟括地志函谷故關在陝州桃林縣南十一里今河南靈寶縣有關城在谷中深險如函因名其中劣通東西十五里絕岸壁立其上柏林蔭谷中殆不見曰荀卿謂之松柏之塞西去長安四百里秦法日入則閉雞鳴則開漢初因其制置關都尉守之景帝初吳楚謀叛吳遣其臣應高說膠西王卬曰王幸而許之一言則吳王率楚王畧函谷關守滎陽敖倉之粟拒漢兵治次舍須大王矣武帝元鼎三年從楊僕言徙故關於新安東界以故

關為宏農縣東徙蓋三百里謂之新關今見河南新安縣王

莽居攝二年關東翟義等兵起遣其黨武讓屯函谷

關東漢初王霸屯函谷關擊滎陽中牟賊平之此新

關也王元說隗囂曰請以一丸泥東封函谷關圖王

不成其弊猶足以霸杜篤論都賦云關函守嶢山東

道窮嶢嶢關見藍田縣此仍據故關言之班固西都賦左據

函谷二嶠之阻張衡西京賦左有嶠函重險桃林之

塞此兼新故關言之也桓帝初平二年校獵上林苑

遂至函谷關延熹九年復幸函谷關靈帝光和五年

校獵上林歷函谷關遂狩於廣城苑見河南此皆新

關也獻帝初平二年董卓脅帝西幸長安出函谷關

是時關猶在新安建安十六年曹操破馬超於潼關

潼關之名始見於此是時關已在華陰蓋中間所更置而史不

之載也魏志建安十六年曹公遣兵討張魯於漢中

關中諸將馬超韓遂等疑懼同時俱反部衆十萬屯

潼關曹公自將擊之與超等夾關而軍旣而自潼關

北渡河曹公自留南岸斷後馬超擊之幾不免諸葛

武侯出師表謂操殆死潼關正此事也魏正始初宏

農太守孟康言移函谷關更號大嶠關又爲金關此

以關城旣移欲更定新關之名耳新關謂在新安者晉大安

二年河間王顥舉兵關中使其將張方自函谷東犯

洛陽永嘉三年時南陽王模守關中模將趙染以蒲

坂降劉聰聰使染等攻模於長安戰於潼關模兵敗

染長驅至下邳下邳見咸和三年後趙石虎攻趙蒲

坂劉曜馳救自衝關北濟衝關史誤虎懼引退九年

後趙石生舉兵于長安討石虎虎遣其子挺為前鋒

向長安生遣將郭權拒之戰於潼關挺敗死虎奔還

澠池今河南屬縣永和六年苻健遣其弟雄率眾先驅自

潼關入時杜洪據長安遣兵逆戰於潼關北敗走健

遂入關中十年桓温伐秦不克還自潼關太元十八

年氏帥楊佛嵩叛奔後秦河南太守楊佺期等追之
敗佛嵩於潼關後秦將姚崇趣救佺期引却義熙十
二年秦姚懿以蒲坂叛秦王法遣姚驢屯潼關十三
年劉裕伐秦前鋒王鎮惡自澠池徑抵潼關檀道濟
等自陝北渡河攻蒲阪秦主法使姚紹督軍五萬守
潼關又遣兵救蒲阪沈林子謂檀道濟曰蒲阪城堅
兵多未可猝拔不如并力爭潼關若得之蒲阪不攻
自潰矣從之姚紹出戰大敗紹復使姚鸞屯大路即
也嶺路以絕道濟糧道鸞分遣尹雅將兵戰於關南皆
爲晉軍所敗紹又遣姚讚屯河上以斷水道亦敗走

裕尋至潼關遂克之既而裕自長安東還夏王勃勃

圖取關中其臣王買德曰青泥上洛南北險要

青泥關見

藍田縣

先遣遊軍斷之東塞潼關絕其水陸之路三輔

不足取也勃勃遂遣軍向長安而分命其子昌屯潼

關十四年長安亂朱齡石等奔潼關關中遂入於勃

勃西征記函谷左右絕岸高十丈中容一車沿路透

逸入函道六里有舊城城周百餘步北臨大河南對

高山姚氏置關以守峽宋武帝入長安檀道濟王鎮

惡或據山爲營或平地結壘爲大小七營濱帶河陰

姚氏亦保據山原阜上尙傳故迹水經注河在關內

南流衝激關山因謂之潼關晉所謂桃林之塞秦所謂楊華也又西有潼水東北注於河河自潼關東北流水側有長阪謂之黃卷坂

見河南閿鄉縣

傍絕澗陟此坂

以升潼關潘岳西征賦所云泝黃卷以濟潼也歷此

出東峪通謂之函谷關邃岸天高空谷幽深澗道之

峽車不方軌號曰天險西京賦云巖嶽周固襟帶易

守者也宋元嘉二十七年遣兵北伐雍州刺史隨王

誕遣其屬柳元景等自南陽北出入盧氏拔宏農進

向潼關遂攻之魏戍主婁須棄城走將軍龐法起等

據之關中豪傑所在蠶起西山氏羌皆來送款會王

元謨等自滑臺敗退魏軍深入宋主以元景等不宜
獨進皆召還二十九年復遣雍州刺史臧質分道向
潼關魏人聞之遣軍屯守北史魏孝昌三年關中亂
秦州賊莫折念生遣其黨據潼關既而魏復得之未
幾蕭寶寅以關中叛遣兵守潼關魏主遣長孫稚等
討之至恒農楊侃謂稚曰昔魏武與韓遂馬超據潼
關相距遂超之才非魏武敵也然而勝負久不決者
扼其險要故也今賊守禦已固雖魏武復生無以施
其智勇請分兵自蒲坂而西從之稚遂克潼關入河
東永熙三年高歡入洛魏主西入關歡自追迎之至

宏農攻陷潼關進屯華陰尋退屯河東使別將薛瑜

守潼關宇文泰復進攻潼關斬瑜東魏天平二年司

馬了如等攻潼關宇文泰軍霸上以備之三年復遣

高敖曹趣上洛竇泰趣潼關徵軍蒲坂造三橋欲渡

河宇文泰謀先襲其潼關軍關之左有谷謂之小關

宇文深請選精銳潛出小關擊賊從之竇泰敗走徵

軍乃退後周保定四年宇文護約突厥共伐齊護軍

至潼關遣尉遲迴爲前鋒趣洛陽權景宣帥山南之

兵時周人有別襄之趣懸瓠見河南楊劼自邵郡出

軹關軹關見河南濟源縣大象二年尉遲迴舉兵相

州討楊堅堅遣將楊尙希將兵鎮潼關隋大業七年
移潼關道於南北復城間塢讀歆檻谷去舊關四里

餘十三年唐公淵濟河而西遣世子建成等將兵屯

永豐倉

見華陰縣

守潼關以備東方兵屈突通自河東引

兵趣長安爲唐軍所拒東保潼關北城與唐相持唐

史潼關有南北二關城煬帝各置都尉守之謂爲都

尉南城都尉北城唐公初濟河遣建成戍永豐倉備

潼關別將王長諧遂克潼關南城而守之旣而屈突

通謀攻長安不克乃保潼關北城爲劉文静所敗北

城亦降於唐天授二年益移關向花近河爲路開元

十二年以華州岳祠南爲通衢舊入關而西路在古
北也天寶十四載安祿山陷東都封常清敗走至陝
謂高僊芝曰潼關無兵若賊豕突入關則長安危矣
陝不可守不如引兵先據潼關以拒之仙芝從之賊
至不得入旣而哥舒翰代僊芝守潼關屢却賊兵時
奉詔與賊戰於靈寶西原敗績賊遂入潼關元宗西
狩至德二載郭子儀自河東遣其子旰等濟河擊潼
關破之安慶緒自洛陽遣兵救潼關旰等大敗旣而
子儀將收東京追賊至潼關克華陰宏農二郡破賊
將崔乾祐於潼關乾祐走保蒲津子儀又遣趙復等

敗賊關內軍進收永豐倉關陝始通杜佑曰舊關在靈寶縣南今通塗反在關北則舊關非衿束之要矣今關卽天授間所置其地上躋高隅俯視洪流歷嶂函而至潼津數百里間盤紆峻極實爲天險所謂秦得百二者此也河之北岸爲風陵津見華陰縣又見山西蒲州又北至蒲關六十里河山之險邈迤相屬自此西望川途曠然豈非神明之奧區帝宅之戶牖哉自開元而後牧華州者多帶防禦潼關軍使卽漢設都尉之意也乾符三年王僊芝寇汝州逼東都詔鳳翔帥合狐綯發兵守陝州潼關又小關曰禁谷亦曰禁坑廣明

初黃巢陷虢州張承範屯潼關僅得軍二千人爲守
禦之備關左有谷平日禁人往來以權征稅所謂禁
坑也賊至倉卒官軍忘守時汝鄭將齊克讓以軍萬
人屯關外力戰飢甚而潰遂從谷入谷中灌木壽藤
茂密如織一夕踐爲坦途明日賊急攻潼關關外有
天堽賊驅民千餘人入其中掘土填之須臾卽平引
兵而度遂縱火焚關樓俱盡承範方分兵守禁坑而
賊已入矣賊夾攻潼關關上兵皆潰朱梁開平三年
劉知俊以同州附於李茂貞又襲華州以兵守潼關
劉鄩討之乘間入關華州降知俊遂遣漢乾祐初亂

將趙思綰據長安虢州俗人靖邊廷殺州將驅掠州
民奔思綰至潼關守將出擊其眾皆潰又李守貞以
河中叛先遣兵據潼關潼關度河至河中百餘里陝州將王玉復
克而守之郭威奉命討守貞自陝州進分遣別將白
文珂自同州常思自潼關進尋克河中宋室南遷潼
關入於金而承興六路遂不可復嘉定十五年蒙古
木華黎取金河中遂趣長安遣安赤將兵斷潼關既
而金人盡棄河北山東關陝惟守河南保潼關鐵木
真謂金精兵盡在潼關是也又降人李昌國言於蒙
古曰金遷汴將二十年所恃以安者惟潼關黃河耳

結定四年金人聞蒙古入饒風關

見漢中府西鄉縣

遣徒單

兀典行省闡鄉以備潼關及蒙古圍汴兀典發兵入

援潼關遂入於蒙古元致和元年燕帖木兒作亂迎

懷王圖帖睦爾於江陵將至汴遣孛羅等將兵守潼

關又遣襄陽鄧州兵守武關既而諸王濶不花等破

潼關克闡鄉陝州別將鐵木哥出武關破鄧州襄陽

又也先帖木兒北渡河中趣懷孟下郡縣三十餘橫

絕數千里河南河東皆大震既聞上都陷乃引還至

正末元主詔潼關以西屬李思齊潼關以東屬擴廓

帖木兒明洪武二年馮宗異破潼關太祖曰潼關三

秦門戶扼而守之李思齊輩如穴中鼠耳既而自關以西次第降下令有關城設衛防禦又以備兵使者

駮其地

武關

武關在西安府商州東百八十里東去河南內鄉縣

百七十里

文穎曰在析西百七十里析即內鄉也

舊為秦楚之衿要左

傳哀四年楚人謀北方司馬起豐析以臨上雒使謂

陰地之命大夫士蔑曰

士蔑晉大夫也

將通於少習以聽命

杜氏曰豐豐鄉也

見河南析州縣

析析縣也

見上

雒今上洛

郡

即商州

陰地河南山北自上洛以東至陸渾也

陸渾今河

南嵩縣郡縣志商州卽晉陰地少習卽武關謂將大

開武關遣以伐晉京相璠曰武關楚通上雒阨道也

春秋時武關屬晉非秦有也秦未得武關不可以制

楚故穆公之世秦伐都與楚爭商密都國未治商密

水城商密近武關也蘇秦說楚威王秦起兩軍一軍出

武關一軍下黔中則鄢郢動矣楚懷王十八年秦使

人告楚請以武關之外易黔中地二十年齊遺楚王

書王取武關蜀漢之地則楚之強百萬也三十年秦

昭王給懷王會武關至則閉執之以歸頃襄王元年

秦出武關攻楚取析十五城及秦并入國東至齊卽

墨大夫入見秦王曰使鄢郢大夫收楚地則武關可

入三晉大夫收晉地則臨晉之關可入也秦始皇二

十八年自南郡繇武關歸二世二年陳涉使其將宋

留將兵定南陽入武關三年沛公南出轅轅見河南鞏縣

畧南陽攻武關入秦漢元年遣將軍薛歐王吸出武

關東畧地三年轅生說漢王出武關軍於宛葉間宛葉

俱見河南南陽府景帝三年七國反吳王濞臣田祿伯曰願

得五萬人別循江惟而上收淮南長沙入武關與大

王會當是時周亞夫擊反者將會兵滎陽發至霸上

趙涉說曰從此右走藍山武關抵洛陽不過差一

二日直入武庫擊鳴鼓諸侯聞之以爲將軍從天而

下賈誼新書所謂建武關函谷臨晉關者大抵爲備

山東諸侯設也淮南王安謀反欲發南陽兵守武關

矣武帝太初四年徙河南都尉治武關時武關屬宏農郡太

史公貨殖傳南陽西通武關應劭曰武關秦南關也

王莽居攝二年以東郡翟義兵起遣遂竝屯武關更

始初遣申屠建等攻武關析人鄧曄于匡起兵應漢

攻武關都尉朱萌萌降二年赤眉擾關中樊崇逢安

自武關徐宣等從陸渾關見河南嵩縣兩道俱入後漢建

武三年馮異擊破延岑於藍田岑自武關走南陽獻

帝初平四年李傕等作亂呂布自武關奔南陽晉永

興三年東海王越等遣兵入關中迎車駕成都王頌

自武關奔新野永嘉四年洛陽陷於劉聰豫州刺史

閻鼎奉秦王業於密見河南密縣鼎尋奉業自宛趣武關

入關中永和七年桓溫伐秦步兵自浙川趣武關敗

秦軍於藍田進至霸上義熙十二年劉裕伐秦遣沈

田子等趣武關明年田子入武關進屯青泥見藍田縣姚

滋來戰敗之後魏孝昌二年汝穎羣蠻斷三按路

鴨路見河南重險引梁兵圍荊州魏荊州治穰城遣都督崔暹將兵

救之至魯陽不敢進乃別遣將軍裴衍等將兵出武

關通三鷓路以救荊州東魏天平初高歡遣侯景擊

賀拔勝於荊州勝敗降梁東魏遂取荊州宇文泰遣

獨孤信出武關攻東魏兵於淅陽見河南內鄉縣遂襲下穰

城卽是時荊州治既而東魏復取之三年高歡使高敖曹繇

武關趣商洛擊宇文泰敖曹自商山轉鬪而進遂攻

上洛又西魏大統六年東魏侯景出三鷓將復荊州

宇文泰遣李弼等出武關景引退括地志武關山地

門也唐至德二載興平將王難得攻安慶緒於武關

敗之克上洛郡廣德初吐蕃入長安郭子儀至商州

發武關防兵收長安建中四年朱泚據長安尚可孤

自襄陽入武關赴援軍於七盤

亦見藍田縣

敗泚兵遂取

藍田又是時江淮朝貴爲淮西李希烈所阻皆繇官
饒荆襄趣武關中和四年黃巢爲李克用所敗自藍
田入商山從武關逸去五代至宋皆置兵於此以爲
商洛宛鄧之防元致和初燕帖木兒迎立懷王遣兵
守武關諸王濶不花等遣將破之遂引而東今繇河
南南陽湖廣襄鄖入秦者必道武關自武關而至長
安四百九十里多從山中行過藍田始出險就平去
武關之於潼關猶陰平之於劔閣也然陰平僻而險
武關徑且易故尤能爲秦患志曰武關之西接商洛

終南之山以達於岍隴武關之東接熊耳馬蹬諸山以迄於轅轅大山長谷動數千里倘遁逃者視爲淵藪秦楚梁豫之間患未有已也杜篤云一夫守壘千夫沉滯武關之謂乎

散關

散關在鳳翔府寶雞縣西南五十二里漢中府鳳縣東北百二十五里有大散嶺置關嶺上亦曰大散關爲秦蜀之襟喉南山自藍田而西至此方盡又西則隴首突起汧渭縈流關當山川之會扼南北之交北不得此無以啓梁益南不得此無以圖關中蓋自禹

迹已來散關恒為孔道矣漢元年漢王自故道故道即鳳

縣出陳倉定三秦說者謂出陳倉必繇散關也後漢志注

散關故城在陳倉縣南東漢初漢中王嘉與延岑戰

十里有散谷水因各岑引兵北入散關至陳倉嘉追破之建武四年公孫

述遣將李育等出屯陳倉將徇三輔馮異擊破之元

初二年虞詡為武都太守叛羌遮詡於陳倉峭谷詡

計却之胡氏曰峭谷即今之大散關建安二十年曹

操討張魯自陳倉出散關至河池蜀漢建興六年諸

葛武侯出散關圍陳倉宋元嘉十九年遣裴方明等

平仇池既而魏主燾遣古弼等督隴右諸軍自祁山

南入皮豹子等督關中諸軍自散關西入俱會仇池
遂取之梁承聖二年益州刺史武陵王紀引兵侵荆
州梁主繹求援于西魏宇文泰曰取蜀制梁在茲一
舉遂遣尉遲迥自散關伐蜀後周天和五年周主西
巡知散關隋義寧元年唐公李淵定長安使姜暮竇
軌俱出散關撫定隴右唐士元二年奴刺党項寇寶
雞燒大散關南侵鳳州大掠而西鳳翔節度使李鼎
道破之天寶末西幸成都道出散關光啓二年田令
孜劫上白寶雞幸與元以楊晟爲興鳳節度使守散
關邠寧帥朱玫來追攻散關不克繼而玫復遣將王

行瑜攻散關晟敗走行瑜進屯鳳州攻興州天復二
 年李茂貞劫車駕幸鳳翔朱全忠討之軍於號縣遣
 將孔勅出散關攻鳳州拔之又拔秦隴三州至成州
 而追朱梁貞明二年蜀遣將王宗綰等自鳳州出人
 散關破岐兵遂取寶雞進圍鳳翔五年又出散關擊
 岐度渭水會大雨而還六年蜀將陳彥威復侵岐出
 散關軍於箭筈嶺見寶雞縣後唐同光三年郭崇音
 伐蜀自寶雞入散關指其山曰吾輩進無成功不得
 復還此矣長興元年石敬瑭入散關攻董璋於東川
 及石晉末蜀人乘中原之亂遣兵攻鳳州尋分兵扼

散關以絕北兵之接鳳州降蜀劉漢初蜀將張延釗
等出散關及隴州以逼鳳翔王景崇拒却之又追敗
之於散關乾祐初景崇以鳳翔叛蜀兵赴援軍於散
關趙暉攻鳳翔遣別將李彥從擊敗蜀兵旣而蜀將
安思謙復自散關應援擊漢兵於箭箬寨周顯德二
年命鳳翔節度使王景攻蜀自散關入拔其秦鳳諸
州鎮南宋初恒屯重兵於此以備金人而金人亦盛
兵寶雞以當大散之衝嘉定十年金人入寇遣完顏
阿鄰入大散關攻西和階成州明年復犯大散關紹
定四年蒙古拖雷入大散關而梁洋諸州悉見塗炭

寶祐五年蒙古主蒙哥南寇繇隴州入散關擣蜀口
明初定關中徐達亦分軍白鳳翔出散關下興元蓋
梁益有事必在散關入散關而南出褒斜西走階文
蜀亦岌岌矣元豐志繇長安而至商州二百餘里從
商州至金洋皆數百里興元去長安蓋千二百餘里
自駱谷關至洋州亦五百餘里惟寶雞南入大散至
梁州五百里而近今皆以連雲棧爲經途而大散之
勢益重矣

蕭關

蕭關在平涼府鎮原縣西北百四十里關中四關之

一也括地志蕭關亦名隴山關襟帶西涼咽喉靈武實為北面之

險漢文帝十四年匈奴入朝那蕭關殺北地都尉至

彭陽使奇兵燒回中宮見隴州候騎至雍甘泉景帝三

年吳王濞反書曰燕王北定代雲中搏讀專統帥之也胡寇

入蕭關走長安武帝元鼎五年行幸雍隴隴登崆洞

北出蕭關獵新秦中元封四年復幸雍通回中道遂

出蕭關自魏晉以後關中多故蕭關皆為往來孔道

唐武后久視初以魏元忠為蕭關道大總管以備突

厥神龍元年置蕭關縣天寶十五載太子按軍平涼

議出蕭關趣豐安見寧夏靈州所曰靈州我之關中也大中

三年吐蕃以秦原安樂三州及原州之石門驛藏制

勝石峽木峽六盤蕭七關來降安樂州即故寧夏中衛之鳴沙州七關俱

見鎮原縣及五年白敏中帥邠寧平党項乃規蕭關

通靈威道靈州威州之道也又置武州於此以控三州七關

之險宋自天聖以後西夏多事蕭關南北築城置戍

幾無虛日明初徐達繇靜寧隆德至蕭關遂取平涼

蕭關誠控扼要地矣

右按陝西山川四塞形勝甲於天下為自古建都

重地雄長於茲者誠足以奄有中原矣然外虞羌

戎之警內殷資儲之慮則設邊備議屯政者往往

聚訟焉而漢唐成轍固瞭如矣漢志雍州有鄠杜
竹林南山檀柘號稱陸海爲九州膏腴天水隴西
多林竹及安定北地上郡皆迫近外域修習戰備
高尚氣力以射獵爲先故秦詩多車馬田獵之事
白武威以西本匈奴昆邪王休屠王地習俗頗殊
地廣民稀水草宜畜牧故涼州之牽爲天下饒項
羽入關韓生說羽曰秦地山河四塞地肥饒可都
以霸漢六年田肯說高祖曰秦形勝之國也帶河
阻山隔絕千里持戟百萬秦得百二焉地勢便利
其以下兵於諸侯譬猶高屋之上建瓴水也後漢

建武中杜篤獻論都賦曰西被隴蜀南通漢中北

據谷口東阻嶽巖即嶺關關函守嶢山東道窮置列

汧隴癰偃西戎拒守褒斜嶺南不通杜口絕津朔

方無從此亦足以見雍州之大都矣又永建初隴

西羌反校尉馬賢擊降之四年虞詡上疏曰禹貢

雍州厥田惟上沃野千里又有龜茲鹽池今見故寧夏後

衛以為民利水草豐美土宜產牧因渠以溉水春

河漕用功省而軍糧足故孝武光武築朔方開河

西置上郡皆為此也乃復三郡使繕城郭激河浚

渠為屯田省內部費歲一億計唐築受隆諸城廣

事屯田而邊儲以足徭戍減省豈非雍州饒沃不
必虛中國以事疆場之明驗歟宋趙鼎曰經營中
原當自關中始汪若海曰將圖恢復必在川陝淳
祐十二年時蒙古主蒙哥欲以中州封同姓命忽
必烈於汴京關中自擇其一姚樞曰南京河徙無
常土薄水淺瀉鹵生之不若關中厥田上上古名
天府陸海忽必烈遂請關中蒙古主并以河南與
之繇是地廣兵強章俊卿有言自蜀江東下黃河
南注而天下大勢分爲南北故河北江南爲天下
制勝之地而挈南北之輕重者又在川陝夫江南

所恃以爲固者長江也而四川據長江上游下臨
吳楚其勢足以奪長江之險河北所恃以爲固者
黃河也而陝西據黃河上游下臨趙代其勢足以
奪黃河之險是川陝二地常制南北之命也